

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA KUMI NA SABA**

25 APRILI, 2018



## ORODHA YA SHUGHULI ZA LEO

### MKUTANO WA KUMI NA MOJA

KIKAO CHA KUMI NA SABA – TAREHE 25 APRILI, 2018

I. DUA:

II. HATI ZA KUWASILISHA MEZANI:

**WAZIRI WA HABARI, UTAMADUNI, SANAA NA MICHEZO:**

Randama za Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2018/2019.

**WAZIRI WA MAJI NA UMWAGILIAJI:**

Taarifa ya Mwaka ya Mamlaka ya Usimamizi wa Udhhibiti wa Nishati na Maji kwa Mwaka ulioishia tarehe 30 Juni, 2017 (*The Annual Report of Energy and Water Utilities Regulatory Authority (EWURA) for the Year Ended 30<sup>th</sup> June, 2017*).

### **III. MASWALI:**

#### **OFISI YA WAZIRI MKUU:**

##### **135. MHESHIMIWA USSI SALUM PONDEZA (CHUMBUNI):**

Atamuuliza Mheshimiwa Waziri Mkuu:-

Je, ni lini Serikali itachukua hatua dhidi ya wauzaji wakubwa wa dawa za kulevya wanaoingiza na kuuza badala ya kuwakamata waathirika ambao wanahitaji misaada na ushauri nasaha wa kuachana na matumizi ya dawa hizo.

##### **136. MHESHIMIWA ASHA MSHIMBA JECHA (VITI MAALUM):**

Atamuuliza Mheshimiwa Waziri Mkuu:- Mradi wa Kuwawezesha Wananchi Kiuchumi Vijijini (MIVAFP) katika Mkoa wetu wa Kusini Unguja umeweza kuwakomboa Wananchi kwa kuongeza uzalishaji wa mazao na kuboresha mawasiliano ya barabara na kuweza kusafirisha mazao yao kwa urahisi. Kwa kuwa mradi huu umeonesha mafanikio na Wananchi wamehamasika:-

Je, Serikali ipo tayari kuwaongezea mitaji na mafunzo Wananchi hao ili waweze kufikia malengo yao.

## **OFISI YA RAIS (TAMISEMI):**

### **137. MHESHIMIWA JOEL MWAKA MAKANYAGA (CHILONWA):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kuzifungua Zahanati za Solowu na Makoja ambazo zimekamilika ili kuwapunguzia adha ya kufuata huduma ya afya Vijiji vya mbali akina Mama, Watoto, Wazee na Wananchi wa Vijiji hivyo kwa ujumla.

### **138. MHESHIMIWA HAWA SUBIRA MWAIFUNGA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kiwango cha elimu katika Mkoa wa Tabora kimeshuka sana na Mkoa huo umefanya vibaya katika mtihani wa darasa la saba (7), kidato cha nne (4) na cha sita (6); kufanya vibaya kunatokana na changamoto mbalimbali kama Walimu, upungufu wa madawati na idadi kubwa ya Wanafunzi katika madarasa:-



Je, Serikali ina mpango gani wa kuhakikisha kero hizi zinatatuliwa ili kurejesha hadhi ya elimu Mkoani Tabora.

**OFISI YA MAKAMU WA RAIS (MUUNGANO NA MAZINGIRA):**

**139. MHESHIMIWA NAGHENJWA LIVINGSTONE KABOYOKA (SAME MASHARIKI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Uharibifu wa mazingira kwenye Msitu wa Chome (Shengena) umeleta athari kubwa ya uchafuzi wa maji hasa katika Mito mikubwa ya Yongoma na Saseni; Mito hiyo kuanzia kwenye vyanzo vya maji imebadilika rangi na kuonyesha rangi yenye matope. Kwa kuwa Wizara ya Maliasili na Utalii ilikanusha kwamba hakuna ushahidi unaoonesha kwamba athari za mazingira katika Msitu huo zinatokana na uchimbaji wa madini ya *Bauxite*:-

- (a) Je, Serikali ipo tayari kuunda Kamati kuchunguza chanzo cha uharibifu huo katika Msitu wa Shengena;
- (b) Je, Serikali ipo tayari kuwapatia Wananchi miti ya asili inayoongeza maji ili kudhibiti upungufu wa maji katika vyanzo vya Mito hiyo.

## **WIZARA YA MAJI NA UMWAGILIAJI:**

### **140. MHESHIMIWA MASHIMBA MASHAURI NDAKI (MASWA MAGHARIBI):**

Atamuuliza Mheshimiwa Waziri wa Maji na Umwagiliaji:- Mabonde ya mpunga katika Vijiji vya Masela, Bukangilija na Mwatigi katika Wilaya ya Maswa yanaweza kuzalisha Mpunga mwingi kuliko ilivyo hivi sasa:-

Je, Serikali ina mpango gani wa kujenga mabwawa na mifereji ya umwagiliaji katika maeneo hayo ili kuwawezesha Wakulima kuongeza tija katika uzalishaji.

### **141. MHESHIMIWA DKT. HADJI HUSSEIN MPONDA (MALINYI):**

Atamuuliza Mheshimiwa Waziri wa Maji na Umwagiliaji:- Mkoa wa Morogoro umechaguliwa kuwa ni ghala la chakula la Taifa hususan katika mazao ya Mpunga na Miwa; katika kutekeleza hili Serikali imepanga kufanya upembuzi yakinifu na usanifu wa kina kwa ujenzi wa skimu za umwagiliaji katika Vijiji/Kata za Usangule-Mto

Lwasesa, Igawa-Mto Furuu, Lupunga-Mto Mwatisi na Kilosa Mpepo-Mto Mwatisi:-

- (a) Je, ni lini kazi hiyo ya upembuzi yakinifu na usanifu wa kina itakamilika;
- (b) Katika kipindi hiki cha maandalizi ya ujenzi wa mabanio hayo ya kilimo cha umwagiliaji; Je, Serikali ina utaratibu gani wa usimamizi wa ardhi husika ili kuepuka migogoro ya watumiaji wa mabanio hayo siku za usoni.

**142. MHESHIMIWA MAHMOUD HASSAN MGIMWA (MUFINDI KASKAZINI):**

Atamuuliza Mheshimiwa Waziri wa Maji na Umwagiliaji:- Mheshimiwa Mizengo Pinda akiwa Waziri Mkuu mwaka 2013 aliahidi kuchangia Tsh. 295,000,000 katika mradi wa umwagiliaji uliopo katika Kijiji cha Nundwe Kata ya Ihalimba:-

Je, ni lini Serikali itatekeleza ahadi hiyo ili Wananchi wa eneo hilo waweze kujikwamua kiuchumi.

**WIZARA YA MAMBO YA NDANI YA NCHI:**

**143. MHESHIMIWA YUSSUF HAJI KHAMIS (NUNGWI):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi cha Mkokotoni



kiliungua mnamo tarehe 27/12/2010 na ujenzi wake ukaanza mara moja:-

Je, ni lini ujenzi huu utakamilika na Kituo hicho kuendelea na shughuli zake.

#### **IV. HOJA ZA SERIKALI:**

##### **WAZIRI WA UJENZI, UCHUKUZI NA MAWASILIANO:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Ujenzi, Uchukuzi na Mawasiliano kwa Mwaka wa Fedha 2018/2019.

*(Majadiliano yanaendelea)*

**DODOMA  
25 APRILI, 2018**

**S. KAGAIGAI  
KATIBU WA BUNGE**

